

pendet medicamentō, interveniente vel mediante vesicā, quā differentia specifica declaratur & confirmatur. Hāc ipsā etiam distinguitur ab aliis potentialibus cauteriis, rubificantibus, phœnigmis &c.

Et, licet continui aliqualis solutio adsit, cùm cuticula à cute per calorem potentialem divulsa deprehendatur; attamen hāc sola essentia vesicatoriorum non manifestatur: sunt enim vesicæ & exulceratio talis vesicantium effectus. Superficialis hæc non sufficit ad veram ulceris essentiam, sed adhuc carnosæ partes cuti subjacentes requiruntur. Hinc constat, veram exulcerationem à causis internis dependentem longè differre ab hāc, quæ artificis manu excitatur. Imò ipsa applicatio non veram exulcerationem esse demonstrat, quæ non intendit alicujus partis interitum per se, sed secundariò, dūm liberare aliam cupit à morbosâ dispositione, quā afficitur.

Obstare nostro asserto videtur nonnullorum distinctio, quā ulcus profundum, magnum, cavum, & planum, parvum & superficiale constituunt, dicentes: vesicatorium esse ulcus planum, paulò majus & superficietenūs solummodo inustum. Verum confundunt hi itidem remedium ipsum & remedii hujus effectum. Et sicuti vox *inurere* ab his impropriè sumitur; ita vocem *ulceris* ad eundem sensum restringi posse arbitramur.

Reliqua quod concernit verba: *vi potentialis caloris*; iisdem distinguitur vesicans ab actualibus cauteriis, quæ actuali calore cūtem urunt & exulcerant, qualia sunt: aqua fervens, ignis actualis, & alia, ipsò actu urentia, de quibus consulatur *Thomas Fienus l. c. Joh. Heurnius l. c. Sennertus & alii.*

CAPUT III subjectum delineat.

Medicina cùm versetur circa hominem rationalem, tanquam subjectum nobilissimum, ideò & hujus remedii subjectum eundem salutamus, cui vesicatorium adplicari debet.

PRIN-